

DISSERTATIO THEOLOGICA,

SISTENS

CONSPECTUM SCIENTIÆ
PASTORALIS,

IN USUM SEMINARII THEOLOGICI.

CUJUS PARTEM SEPTIMAM,

APPROBANTE MAX. VENER. FAC. THEOL. ABOËNSI,

MODERANTE

JACOBO BONSDORFF,

S. S. Theol. Profess. & Licent.

publico examini subjicit

BENEDICTUS JACOB. IGNATIUS,

Stipendiari. Reg. Aboënsis.

In Atrio Cancellariæ d. xviii Nov. MDCCXIX.

h. a. m. f.

Aboë, Typis Frenckellianis.

minum usu & affectuum indole, non autem ex artificio quodam rhetorico ortum suum trucere; 2) Non esse nimis accumulandas, quia ut affectus per naturam suam sunt concitatores ac breviores, ita figuræ hanc eorum exprimere amant naturam; 3) Aptas demum pro temporis ratione & auditorum usu ac captu esse debere.

Vulgatissimis Figuris adnumeratur 1) *Interrogatio*, sive simpliciter fiat, sive ad auditores dirigatur. Sic e. c. de morte Expiatoris cruenta verba facturus Orator hunc in modum exprimat stuporem: *Quis tantam plebis Judaicæ dementiam concipere, quis fallacem ingratisimorum hominum memoriam, beneficiorum Christi oblivionem, animi fævientis crudelitatem, verbo quidem completi, ne dicam explicare valebit?* Quis stupendam hanc rerum omnium perturbationem æquo feret animo? — — 2) *Repetitio* — quemadmodum illud Ciceronis in Catilin. bie *tamen vivit; vivit* — et Horatii: *quo, quo scelesti ruitis* —; Exempla in concioniis passim obvia. 3) *Concessio aut occupatio*, qua aliquid auditoribus conceditur — aut objections eorum anticipantur. 4) Fortis quædam *Affirmatio aut Negatio*, Scripturæ in primis verbis e. c. *Certe nostra tulit peccata. A nullo alio speranda salus, nec est nomen sub coelo, per quod salvæ evadamus, nisi* —; 5) *Suspensio & dubitatio*,

in rebus, quæ admirationem & stuporem, si-
ve attentionem auditorum excitant. 6) *Apo-
strophe*, quando oratio aut ad Summum Deum
sublimi quadam exstasi & supplicante animo,
aut ad auditores cum quadam modestia sive
etiam animi impetu, aut quoque ad Orato-
rem ipsum, monologio saepius utitato, dirigi-
tur. 7) *Protopopoeia*, qua inanimatæ res
tamquam animalia, loquentes, vel audientes
suntur, e. c. *Coeli celebrant gloriam Dei*
— *Dies diei inclamat* — Pl. 19: Non modo
Hebraeis vatibus & prophetis maximo usu
floruit, sed in omnibus quoque gentibus
eleganter fngitur natura corporea sensibus
humanis e. s. p. induita. 8) *Ironia* nonnulli
rarius in Elenctico genere adhibebitur, ad
vitia hominum reprehendenda; Sunt enim
nonnulli adeo insolentes, stupidi vel etiam
callidi ad simulandam virtutem, ut nonnulli
aculco quodam sententiarum & verborum
ad sanitatem, saltim attentionem, reduci pos-
sint. Elegans ejus usus est, quando cum A-
postrophe conjungitur; v. c. cum impiis re-
fractariis quali venia conceditur, ut gratiae refi-
stant, contumeliose cogitent, per vitam gras-
fentur — — infinitam scil. mercedem poe-
narum contracturi; — conf. BASTH. p. 126.
9) *Aposiopesis*, qua orationis filum præ ad-
miratione aut metu incutiendo abrumpitur.
Exempla videtis ap. BASTH. p. 128 sequ.
10) *Exclamatio* — sive ob lætitiam sive tri-
sti-

flitiam magnam, immo quoque ex pavore aut admiratione v. c. Rom. 11: 33. ὡς βα-
δες τῷ πλευτῷ — In rebus & affectibus mi-
noris gradus minime locum inveniet, uti nec
in initio orationis. 11) *Antitbesis*, sive re-
pugnantia quædam verborum apparens, ori-
tur ex affectuum nonnullorum pugna inter
se, & objectorum varietate; e. c. Amor sui s.
felicitatis studium habet secum conjunctum
continuum peccati odium — immo odio se
ipsum quasi habebit peccator. 12) *Omissio*
verborum ex sensu velut supplendorum i. e.
Ellipsis, ob vehementiam affectus, abruptum &
concilium amat stilum. Hinc *Afsyndeton* s.
omissio particulæ conjunctionis sœpius obve-
nit. Reliquæ figuræ e. c. *Transpositio* ver-
borum (*hypallage*), *Exaggeratio* particula-
rum, rel. hic ibi adhibitæ, a Rhetoribus
præscribuntur. *Anantapodotæ* autem, & *by-
perbata* minime in concionibus commendari
possunt.

§. 8. In exprimendo affectu interdum
Emphasēs verborum, quæ sunt auctaria signi-
ficationis usitatæ, cum fructu adhibentur.
Bene autem monuit ERNESTI *Instit. Interpr.*
N. T. emphases non esse sententiarum, sed
verborum. Illustræ exemplum hujus Empha-
ses est in Mosaico illo: *Fiat lux* — & Cic.
memento te *Virum* esse. Sic Christus sœ-
pius *filius hominis* sublimiori celebratur sensu,
ipseque testimonium perhibuit de *veritate*, scil.

Divina. Frequenti vero abusu multi tropicas, sublimes et graves sententias, in primis cum sublimiores res enarrantur, mox ad emphasis classem retulerunt, unde tot emphases, quot verborum & rerum pondera, e. c. in WILLII *promtuario empbasium Biblicarum*. Sed emphatica dicitur dictio propter sublimitatem rei & delectum verborum, non autem propter auctas singulorum verborum significaciones. De illis conf. Cap. de *Electione*.

CAP. XI.

3) *De Genere delectandi & consolandi s. paracletico.*

§. 1. Id demum Rethores antiqui in orationibus quibuslibet querendum quoque esse docuerunt, quod delectare auditores poslit. Non satis quippe est, vera, solida & pathica esse argumenta; dulcia quoque sunt; Quod consilium si asperneris, temere ponens verbi Divini vim & argumentorum s. motivorum pondus per se, aut nulla habita ratione externorum morum, ad animum fletendum valere, graviter utique a scopo aberrabis. Etenim quid valet pathos Oratoris, nisi quedam urbanitas & decentia morum, ornatus verborum ac delectandi studium

dium accedat? Quis eset usus sacrarum concionum, nisi exhilaratos, solatio erectos gaudioque perfusos se sentiant auditores? Immo ipsa motiva, quæ ex felicitate desumuntur ad mores hominum formandos, valebunt quoque ad internam mentis delectationem percipiendam; Propterea quoque boni Oratores semper in usu & applicatione ea potissimum tangere solent, quæ solamen, gaudium ac felicitatis sensum instillare possunt. Quemadmodum enim ultima Religio-
nis, vitæ atque perfectionis humanae meta, quam attingere in hac jamjam vita debent mortales, est sensus felicitatis & tranquillitatis jucundissimus, ita quoque hanc metam semper spectare debet Orator, ut auditores suos ad felicissimum vitæ suæ usum, nec tantum unius aut alterius horulæ, sed consonantem delectationem, perducat. Atque id est vere delectare, id longe sublimius est præconum sacerorum quam profanorum s. ci-
viliū munus, quod sancte administrabunt. Sed nec aliud, externum & in orationibus satis familiare, delectandi studium, quo aures auditorum afficiuntur, atque attentio ac be-
nevolentia eorum captatur, negligi debet. Quomodo enim ad animam totum exhilarandum conducere potest, qui externos sensus offendit, kredit, juxta habet? Quomodo is alios consolabitur, qui ipse morosus, durus, sterilis fuerit? Ubi prompta auditorum bene-

volentia non recipit ea, quæ dicuntur, fru-
stra fere universa erit per vadendi vis. Imi-
tatur vero oratio communem vivendi ra-
tionem, quæ non modo internum animi in-
tegerrimi spectat habitum, sed quoque cul-
tum externum. Studium igitur delectandi
duplex merito commendatur, internum &
externum, arctissimo utrumque inter se con-
nexum vinculo.

§. 2. Internam delectandi materiem au-
ditoribus suis, non tam ornatu adscititio
& Epidictico dicendi genere conciliabit Ora-
tor, quam potius solida demonstratione reli-
gionis salutiferæ, cui quoque probitas Orato-
ris sincerissima accedat necesse est, ut antea
passim evicimus; Quum enim in causis fo-
rensis constanter ab Oratore postulaverint
antiqui, ut moribus sit spectatus, prudens,
probus & benevolus, multo potiori jure ab
Oratoribus sacris postulatur, ut integerrimam
egerint agantque vitam sensuque religionis non
fucato animati sint. Qui sensus, quum animum
ipsum occupaverit, non potest non quoque
amabilem velut induere habitum externum,
in orationibus coram populo habendis con-
spicuum, adeo ut delectationem, attentionem,
immo etiam affectum quandam emotionem
pariat; Sunt quippe mores & affectus adeo
invicem concatenati, ut mutua vi agant;
quam ob rem etiam Rethores utrumque
hunc animi statum (*ἡθη καὶ πάθη*) ad per-
sua-

svadendum referunt. Externa ergo requiri-
tur castitas, decentia, urbanitas, benevolen-
tia, prudentia, cæt. in quibus omnibus mori-
bus quantum sit efficaciam, ad attentionem
non minus acuendam auditorum, quam hilas-
titatem & gaudium ipsis quasi instillandum,
nemo ignorare potest. *Primum* ponunt
Rhetores *prudentiam*, i. e. facultatem perite
judicandi & demonstrandi — "Quem sine
prævia meditatione dicere appetet, is pa-
rum sollicitam rei de qua agitur, curam,
aut contentum quendam auditorum prodit"
conf. PORTHAN Disf. de *Moribus Oratoris*.
Negligentia igitur omnis non modo in vita O-
ratoris sed quoque in oratione vitanda est.
Secundum in moribus est *Probitas*, ut bene
PORTHAN in all. Disf. "Sinceritas, justitia, li-
beralitas, magnanimitas, animi continentia,
gravitas, coulantia, ex factis & oratione
effulgentes omnium oratori animos conciliant,
atque veneratione, amore siveque in eum ac-
cedunt — Dileximus semper improbis, su-
specti nobis sunt & invisa quæcumque ab iis
prolicescuntur." Hinc quoque patet *severi-
tatem* in calligandis vitiis, a nostris Orato-
ribus requiri. *Tertium* adferunt characterem,
benevolentiam, qua quis auditorum suorum
felicitati ac delectationi prospicere, sine par-
tium studio, sine odio & invidia, aut aliis
quibuscumque concitatæ mentis affectibus,
fludet. Auditores non posunt non eum b-
ni-

signe exaudire, qui amoris & reverentias sensu plenus monita sua ipsis proponit. Huc quoque merito addimus *modestiam* s. *verecundiam*, licet ad probitatem referri haud incommodo posset. Nihil enim insolentia & ostentatione vana pestilentius apud Oratorem, nec mirum est, multis auditoribus tedium creari, quum stultam propriæ laudis videant cernantque captationem. Esse, quam videri melius. *Urbanitatem* tandem & *castitatem* in verbis moribusque externis jure postulamus, quandoquidem homines in societate degentes, speciem quoque externam respiciunt. Subtilis esse potest Orator, pius ac modestus, sed sine decentia ineptius, fastidiumque non nemini movens atque offendit. Cave tamen credas, eandem exactitudinem circa decorum observari omnibus in locis debere. Generalia sunt præcepta omnibus communia, specialia vero cuique loco adaptanda. Quomodo decentia morum in gestibus se prodat, in loco de *Actione* Oratoria probabitur.

§. 3. Ad delectandum pertinent non solum mores oratoris, verum etiam orationis *ornatus* universus. Patheticum ornatum, ex Affectibus & Figuris derivandum antea descripsimus, jam vero specialius de habitu orationis ornatori agamus. Non placet tabula bene delineata, nisi color nativus accedit; sic quoque oratio, quamquam optime præmeditata & argumentis motivisque fortis.

tissimis instructa, raro animum afficit omnium, nisi jucundior inducatur forma, ex imaginibus, tropis, cæt. conformanda. In antecessum vero monebimus, verum omnem ornatum ex *naturali* Oratoris ingenio ac phantasia produci; & licet artem respuere minime debeat, artis tamen est, celare artem. Natus animi habitus satis quemque docere poterit, qualia admittat ornamenta in oratione, perinde ac cæteris dicendi generibus. Sit porro ornatus *modicus*, ne flores tantum venditemus & condimenta, parum curantes quid solidi sit in ipsis argumentis; *virilis* & cum *simplicitate* conjunctus, ne nugas agere aut ludere cum pueris scenicisque videamur, quo studio nihil ineptius cogitari potest; *varius*, ne semper iisdem utamur verborum coloribus; & denique *aptus* ad ipsam rem adumbrandam. (Conf. præcepta BASTHOLM lib. cit. cap. 25. Dist. INGMAN de *simplicitate, insigni ornatus virtute*). Peccant propterea qui veneres oratorias, allegorias, dictiones poëticas & vanas allusiones ostentandi causa affectant. Natura vero ipsa consulenda est & dignitas materiæ, quam proponere volumus; Si enim in festivioribus religionis nostræ eventibus celebrandis abstinemus ab imaginibus, easdem vero in patheticis concionibus præter verisimilitudinem & contra effectuum naturam adhibemus; si dogmaticis in argumentis phan-

phantasie lusibus indulgemus, moralia autem præcepta nude, sine exemplis atque coloribus fistimus, quomodo delictare valebimus?

§. 4. *Fontem* ornatus duplice potissimum esse, naturam scilicet universam rerum corporearum, & sensum hominis moralem scilicet aestheticum, non multa eget probatione. *Sensibilis natura* universi sensibus nostris patet omnibus & infinitum fere præbet apparatus similitudinum, pulcri, & varietatis. Scilicet qua late extenditur hic mundus adspectabilis, summa sua objectorum diversitate, magnitudine, partium proportione, harmonia, ordine & œconomia admirabili distinctus, tam late quoque regnat idea pulcri. Et quanquam sint hominum iudicia de pulcro admodum varia fluxaque, in eo tamen omnes consentiunt, bellam naturam in primis imitandam esse, pulcrumque proprie dici, quod *visus* sensum afficit, propter colorem, formamque venustiorem aut motum proportionatum, sed translate quoque hanc pulcritudinis ideam rebus aliis jucundis vindicari, quatenus nos delectant & placent. Ubi ergo res nobis obveniunt, certa quadam sub forma, proportione & harmonia, sive simplici sive composita, perfectæ, suaves, ornatae, ornatus quoque exemplo eadem in rebus abstractis s. moralibus describendis producuntur. Porro *natura nostra moralis*, s. mens ipsa, quæ tot habet perfectiones atque de-

rerum indole, nexus & harmonia, judicare valet, fontem quoque aperit uberrimum ornatus. Etenim videimus intellectualibus & moralibus quibuscumque rebus, sententiis ac verbis inesse ea, quae non modo vera sunt & perfecta, verum etiam sublimia, utilia & ad felicitatem accommodata. Hinc decori & pulcri tensus communi hominum experientia formatus; hinc morales omnes affectiones & virtutes totidem pulcritudines esse judicamus, atque Infinitum spirituum omnium Patrem longe summis perfectionibus ornatum admiramur. Dubio igitur caret, immensum religionis campum, cæteras ut prætermittamus scientias, optimam pulcri ideam subministrare, oratoribus sacris vivida, non tam phantasia, quam abstractione eruendam. Ad sensuales ergo & externas res quod attinet, earundem amplitudinem, magnitudinem, nexus, ordinem, harmoniam & fines, cæt. jubarbit observare, ex quibus omnibus, sive sigillatim, sive junctim consideratis, pulcri enascitur idea, orationibus sacris ornandis accommodatisima. Conf. BASTHOLM cap. 26. Quis sine delectatione illucescentis Solis non refert imaginem ad hospitatoris, Christi, depingendam gloriam; quis immensi maris aspectum ad immortalia nostra post hanc vitam fata adumbranda sine pulcri sensu non transfert? e. f. p. Quomodo vero morales perfectiones ornatus causa, aut ex simili,
aut

aut nexu suo, aut exemplis hominum, in concionibus adstruantur, satis patet. Hinc proverbio teritur: *exempla illustrant* — Pulcrum enim virtutis ideam nemo melius sistere potest ac exornare, quam si probatissimorum hominum attulerit exempla, quibus res abstracta & intellectualis ad subiectum reddit & sensus quali subit nostros. Summum autem exemplar consummatæ sanctitatis quodnam aliud, quam Christi, infinitum illud & quovis ornamento superius? Cæterum sublimia quævis, magnifica, insolita & salutaria in ordine rerum sensibilium non minus, quam moralium, quis non tum admiratur, tum delectationi sibi vertit? Adspice sublimem ambitum cœli ac sidera; considera magnifica & beneficentissima opera Jesu, ordinem naturæ longe superantia; an non utraque in se habent summæ delectationis materiem?

§. 5. Quemadmodum ad sensum pulcri excitandum in universum conferunt omnes Æstheticæ Artes, quarum summa laus est, ut naturam ipsam exprimant, depingant & imitantur, ita ad ornatum oratorium pertinent vividæ *descriptiones*, *imagines* & *tropi*. *Descriptiones* & quali picturæ non possunt carere fictione quadam; quo melius enim phantasie ope res abstractas s. morales, ut quoque absentes quasvis tanquam præsentes & sensibus velut ohvias sistere possumus,

eo

eo plus delectant. Valet hoc de plerisque characteribus hominum diverlassimis, virtutibus & vitiis adumbrandis. Non enim ex scholastica subtilitate, sed e vita communis sumere debet Orator materiem describendi, adeo ut per omnes suas partes persequatur objectum, aut per exempla hominum notissima rem illustret. Sic v. c. in vituperanda avaritia, avarum representet hominem, stulto desiderio corradendi opes inflammatum, turpisima ne quidem vitantem media, assiduum quidem & strenuum, sed fluxæ tantum rei fruendæ causa, immo nec opibus suis utentem, sed necessaria quævis sibi & aliis denegantem, semper novis inhiantem e. f. p. Cui descriptioni non defunt exempla in quotidiana experientia & historia, v. c. Judæ proditoris, Simonis magi, cæt. Quid valeat phantasia & idearum associatio, in graphicis ejusmodi picturis, ad delectandum auditorum animum, incredibile est. Habent quippe ante oculos velut depictam tabulam vitæ, cuius probabilitatem non posunt denegare. Descriptio autem ejusmodi aut *vera* est, quamquam tacita & occulta, aut per fabulam fictam e. c. in parabolis Christi de Samaritano, Divite & Lazaro, cæt. Veras descriptiones videtis Math. 23. Utrumque genus in concionibus locum inveniet, ea tantum cum cautione, ne sub veris aut ex familiari vita defumtis rerum, morum & actionum descriptione.

ptionibus, personas ipsas cum invidia aut adulacione indigitemus, multo minus nominemus. Porro ut concisa sit & partibus suis absoluta, varia, temperata quævis picta, vix verbis monebimus.

Imagines & Similitudines petuntur ex rerum sensibilium natura, vario quidem usu, & optimo cum successu. Res invicem comparare, morales cum physicis, abstractas cum sensualibus conferre, jucundum judicant homines, unde quoque quotidianus sermo refertus est hujusmodi comparationibus. Heros cum leone, impetuosus cum mare procelloso, modestus cum humili flore, illustris cum alta pino, beneficus cum Sole e. s. p. comparantur. Quæ comparatio ubi fuerit per varias suas partes exposita & continua, sine addita applicatione, *Allegoria* vocatur, qualis est illa Horatii Lib. 1. de republica: *o navis referent* — — & elegantissimæ Servatoris de religione & Ecclesia sua allegoriæ, quarum usus non modo ad deletandum, sed etiam permovendum erat accommodatus. Quid de hisce præcipiendum sit, docent Rethores. Rarius quidem in concionibus popularibus jam adhiberi hæc solent ornamenta; Frequentius autem *simplices imagines* in usu sunt, quia adjectam habent applicationem, v. c. exemplum a BASTHOLM citatum: quemadmodum aberrans a luce & in tenebris palpans, continuus expositus est pe-

periculis & lapibus, ita quoque peccator a veritate aberrans, vitiisque innumeris se tradens, infelicissimus evadit. Omnis vero similitudo debet esse *accurata*, *perspicua*, *elegans*, *insolita* novaque, & *varia*, nec a re turpi, obscena & ridicula derivata, ne tedium excitet auditoribus. Exquisitor imago si alicubi adhibeatur, pluribus verbis explicabitur, prout orationis svadeat confilium.

Troporum porro eximius usus ex ante allatis dignocitur principiis. Vulgatissimus enim fuit mos omnium populorum, transferendi proprias & tenues notiones verborum, utpote primas, ad alias bene multas res significandas. Cujus moris causam & in penuria lingvarum primitiva, & mentis facultate res inter se comparandi, distinguendi aut conjungendi, & ex liberiori hominum usu querere oportet. Vulgatissime placuit similitudinis inveniendae studium, unde *Metabpora*, troporum elegantissimus modus, verbis adjungens quandam figuratam ideam, propter similitudinem. Sic de heroë: *furens ruit leo in hostes*, metaphora est in verbo *leonis* (Comparatio esset, si diceretur: *beros ruit, veluti leo*). Homo *vulpes* i. e. astutissimus. Aliæ metaphoræ sunt *indefinitæ* & a cuiuslibet fingendi libertate pendentes, conf. exempla all. Aliæ *definitæ* ex usu lingvæ vulgari e. c. *vulpinus*, *ardere*, *inflammari* & innumera vocabula, ex physice

sico sensu ad aliem s. abstractum s. moralem
 translata; in quibus nonnullis residua quæ-
 dam manlit comparatio, tacite se sentibus
 ingerens, in aliis autem periit; quis enim
 in translatiis verbis: *generare, alere, oriri,*
pro excitare cæt. potis, similitudinem sem-
 per anxie quærerit? Ornatum tamen orationi
 addunt. Quod ut fiat, petantur metaphorae
 1) a rebus *vulgaribus, cognitis & simili-
 bus*, exclusis audacioribus Poëtarum *hyper-
 bolis*, quæ orationem populariem minime or-
 nant (sili in pathetico stilo); e. c. *montes
 cani, florentia lumnina flammis, florentes
 ære catervæ, equitare per undas, lucida tela
 diei* cæt. (conf. JANI *Ars Poët.* p. 596 —)
 sunt poëtica, haud imitanda. 2) ab *bone-
 fisi* rebus, ne phantasia lædatur; v. c. in
 Metaph. *suis, coeni, stercoris*, de volu-
 ptuosis, iordidis hominibus. Tela honestate
 verborum læditur auditorum attentio & be-
 nevolentia. 3) Ne nimis cumulentur, cave-
 amus, nec conjungamus dissimilia subiecta &
 attributa — quod idem est, ac flores flori-
 bus ornare, (conf. JANI præceptum, licet a
 liquanto severius, p. 599. cit. Lib.) Ubi
 compositio teneatur, sit facta ex simili e. c.
 vox conscientiæ intonat; male autem pro
 intonat, diceretur, *fulgurat, emicat.* — —
 Poëtae & concionatores sæpius vulnera Chri-
 sti *micantia* fistunt; quo jure, alii videant.
 4) Nulla metaphora ex paganismo s. fabulis
 ve-

Veterum petatur. Deum appellare Jovem, & Fatum pro Divina providentia ponere, indecorum est. *Alius* est *Tropus*, quo immutatur vocabulum a propria sua significatione in alienam, per conjunctionem externam sive causæ, sive effectus, subjecti & prædicati; i. e. *Metonymia*. Sic *pinus* pro *nave*, *arundo* pro *sagitta* aut *fistula*, *ebur* pro *statua eburnea*, *aurum* pro *pecunia* cæt. ponitur ex metonymia causæ pro effectu. Effectus autem pro causa in his sstitutus vocabulis: *mortis* pro *morbo*, *ruinæ* pro *turbine*, e. s. p. Metonymia subjecti pro prædicato, e. c. *messis* pro *æstate* & vice versa, *paupertas* pro *pauperibus*, *fasces* pro *regia dignitate*; continens pro contento, e. c. *poculum* pro *vino*, & quæ sunt reliqua, ex usu familiari facile dijudicanda. *Tertia Classis Troporum Syncedocche* vocatur, qua verba permuntantur propter conjunctionem internam; Totum pro parte — & pars pro toto sæpius ponitur. e. c. *fons* pro *aqua*, *homo* pro *corpore*, *caput* pro *corpore* s. *homine*, *arbor* pro *ramis* e. l. p. Genus pro specie & vice versa v. c. *quercus* pro *arbore*, *rosa* pro *herbis*, *homo* pro *hominibus*. — *Quartam classem* faciunt Rethores *Ironiam* ob disjunctionem. Sed de hac vide ad Cap. X §. 8. Addunt his enumeratis troporum generibus adhuc alia, utpote *Antonomasiam*, qua pro nominibus propriis ponitur alia dictio *Synonymica*, e. c.

Servator mundi pro *Christo*, *prōditor* pro *Juda*, *legislator* *Judaicus* pro *Mosè* e. s. p. *Periphasin*, qua aliis plenioribus verbis eadem significatur res — *Catachresin*, abusum sive audaciorem translationem verborum — *Litotēn* & *Hyperbolēn*, qua supra modum sensus augetur sive minuitur. Quis autem non videt hæc omnia genera commode ad priora referri posse? Hyperbole nihil aliud est quam audacior metaphora s. similitudo. Catachresis abusus quidam metonymiæ minime commendandus. Cætera pertinent ad Metonymiam, quando pro subiecto ponitur prædicatum aut aliud adjunctum. Periphrases vero rerum & Synonymiæ in primis ornatum conciliant orationi; immo in turpibus & odiosis rebus describendis honesta circumscriptio maxime necessaria est, ne castæ offendantur aures. Exempla dedit BASTHOLM.

CAP. XII.

De Elocutione, s. stilo Concionum S.

§. 1. Hactenus de ipsa materie & tractatione argumentorum præcepimus; jam vero de forma verborum s. stilo & sermonis usu, ad orationis scopum accommodando, disseretur. Atque nemo nisi barbarus de elocutionis necess-

cessitate summa dubitabit, nec ejus dignitatem in luxurioso, florido, curioso (affetato) aut frigido verborum genere ponet; vera enim eloquentiae laus, optimis dudum oratoribus stabilita, puerilibus non debetur lusibus ingenii, aures titillandi gratia exquisitis, sed maturitati sermonis, rerum gravitati apprime respondenti. Inesse vero debet filio triplex virtus, prout Rethores bene monuerunt: *Elegantia, Ornatus & Aptitudo.*

§. 2. Ad *Elegantiam* elocutionis referunt *puritatem, perspicuitatem & urbanitatem.* *Puritas* exigenda est ad Grammatices præcepta, elegantiori usu confirmata. Peccent ergo Concionatores, qui vel lingvæ suæ, nominatim Svecantæ, inferunt barbarismos i. e. peregrina vocabula e. c. Gallica: *esprit, genie, talents, moderation, ideal, existence, scen, sympathie, moralite, positiv, cultur* &c. et. quamquam etiam in vulgari sermone hæc nonnunquam adhiberi finant recentiores, (quod idem valet de hebraicis & græcis vocabulis, ex originali textu dudum inepte receptis) vel ex aliis lingvæ genio vernaculam temere fingunt dictiōnem, vel archaïsmos & solœcismos in vulgari jam sermone inusitatos de novo inducunt e. c. *vemödig, bevekelsegrunder, aflägsna, fornär-*

ma, förstora, cæt. modo non in orationibus
rudiori plebi habendis adferantur.

Perspicuitas, popularis scilicet & ad sensum hominum communem relata simplicitas dicendi, eruditum omnem abstractumque respuit apparatus. Etenim licet evidenter esse posit in philosophicis quibusdam terminis, longo usu stabilitis ac explicatis, non eadem tamen vulgaribus hominibus patere potest. Igitur termini technici, non solum a philosophis usurpati, sed etiam in Theologicum systema adoptati, fugiendi sunt, saltim non sine justo delectu adhibendi. Tales sunt ex philosophico genere: *sedeliga förnuftet*, *moralisk natur*, *grundbegrepp*, *pliktenlighet*, *positiva straff*, *sjelfständighet*, *moraliska anlag*, *fårdigbeter*, quorum loco aliæ simpliciores commode proferri possunt: *förnuft*, *andelig natur*, *väsende*, cæt. In Theologico autem genere Biblicæ & systematicæ locutiones abstrusiores sunt: *nya födelse*, *födas af Gud*, *förnyelse*, *gamla människan*, *iklåda sig den nya människan*, *inympas i Christo*, *vara begravne med Christo*, *kött och blod*, *vara i Christo*, *de yttersta tider*, atque Theologis usurpatæ: *rättfårdiggörelse*, *görande och lidande lydnad*, *tillfyllestgörelse*, *personlig förening*, *den gamla Adam*, cæt. Male autem taxantur a recentioribus nonnullæ Biblicæ formulæ satis perspicueæ: *försjoning*, *nådens ordning*, *utvalde*, *Guds barn*

barn, råttfärdigbet, Guds nåd, cæt. in quibus, ut quoque antea allatis, sicuti aliquando, prout æquitas jubet, adhibeantur, Oratoris Sacri officium est, Scripturæ figuratas dictiones propriis suis explicare verbis. Alter enim inepte auditores suos a lectione Scripturæ Sacrae, quæ omnium ratiociniorum ultima basis merito reputanda est, avocaret. Sicne rudior plebs ad intelligentiam Scripturæ Sacrae & adolescentem quandam religionis ætatem (*τελειοτητας*) non erit perducenda? An delicatulis nostrorum temporum, novos cuilibet doctrinæ adsuere gestientium pannos, obsecundandum est placitis? Caveamus nobis, fatemur & urgemos, ne proprias & translatas locutiones invicem confundamus, nec his quasi mysteriorum plenis semper inhæreamus, quum propria nobis præsto sint vocabula, captui vulgi facilitiora; sed gravem verbi Divini stilum, in ipsis tropis conspicuum, nemo non agnoscat ingenuus Orator, atque imitetur; dummodo perspicuus sit & cum nostro cogitandi modo consentaneus. Quanta vero sit seges dictiōnum mysticarum, a concionatoribus nonnullis proprio ingenii lusu formatarum, non attinet hic commemorare. Asætica Heraclianorum scripta in primis his abundant floribus male coloratis. Perspicuitati quoque adversantur flosculi Poëtici, in suo quidem genere elegantes, plebi autem obscuri, e. c.

Id est-

Idrotter, bragder, bekranfa, dagens Kænning, nattens Drottning, Gudomligheten, Altmagten, ødets lag, vishets Guden, cæt. Immo antitheses, acutæ sententiae & ænigmata, nimisque longæ parentheses utpote ad obscuritatem orationis tendentes, fugiantur necesse est.

*Urbanitas stili, & decentia æquo etiam jure Oratori Sacro observanda venit. Nam uti homines ipsi plebeji, quum honestiorum in circulo versantur, multas evitant indecoras abjectasque voces, quibus offensioni esse possunt, ita tanto magis Oratores sibi cavelunt, ne incomitas, turpes humilesque afferant & e vitæ quotidianæ usu mutuentur locutiones, quanto certius sit, rem de qua loquuntur non esse domesticam humilemque sed sublimem & dignam. Æquivocas ac inveterandas effutiens phrases, non potest non religionem ipsam opprobrio prostituere apud eos, qui levitate morum aut calumniandi pruritu plus quam sincero virtutis valent studio. Sunt alia verba, quamquam haud honesta, tamen admodum trita & plebeja, ut tædium creent — v. c. *draga strå för någon — vråka uti sig — som man båddar så ligger man — skjutsa verlden omkring*, cæt. innumera; conf. quoque GARVE über d. charact. d. Bauren; Neque tamen contra ad tersum sermonem pertinent quævis urbanæ fa-*

facetiæ & dictiones, quibus politiores utuntur homines.

§. 3. Post elegantiam stili, *ornatus* quoque ejusdem considerandus est, quem tam ad affectus concitandos quam benevolentiam auditorum comparandam necessarium esse, ante a demonstravimus. Nisi enim stilius orationis supra vulgarem formam quotidiani, quamquam elegantioris, sermonis exsurgat, placere & stile non potest oratio. Dignitas vero stili adesse debet non tantum in singulis verbis & sententiis, verum etiam in toto orationis complexu s. compositione; Verborum ornatus venit ex *Tropis* & *Figuris*; Sententiarum sive dictionum ex *sublimitate* & *imaginibus*; Totius orationis demum ornatus ex *nexu*, *copia* & *harmonia* omnium partium. *Troporum*, *figurarum* (Schematum) & *Imaginum* naturam jamjam expoluimus Cap 10. 11. Sine his stilius evadit sterilis, frigidus & infructuosus. *Sententiarum* in lœm nunc delibabimus, quantum stilius orationem reddunt; Pertinent quidem tam ad docendum quam delectandum; delectandi tamen consilium palmarium esse videtur. Acutas quippe orationi inspergere sententias, majorem excitabit apud auditores attentionem voluptatemque, qua erecti promptiores se præbebunt ad argumenta ipsa meditanda; immo diutius memorie hærent hæc lumina orationis, quam longa argu-

gumentorum series; quare etiam popularis omnis ævi sapientia in proverbiiis gnomisque sita fuit & comprehensa. Quis sententiosa dicta: *ut sementem feceris, ita metes — esse quam videri melius, — gloria sequi, non appeti debet, — obsequium amicos, veritas odium parit, — virtus sola nobilitat, cæt.* ad vitæ ipsius usum non refert? Sit autem sententiarum usus *temperatus*, nemini exaggerentur & totam impleant orationem, unde contrarii proflus exorirentur effectus, tedium, molestia, perturbatio; Sit *nativus*, non affectatus, quippe lusum ingenii cito animadvertis audiatores; sit intime *conjunctus* cum materiæ ipsius dignitate, adeoque *sublimis*; historicæ quippe aut vulgares res sublimem & sententiis refertum non patiuntur stilum, sed vulgarem & simplicem. Sententias ergo Biblicas in primis adhibere debet concionator, quales in Proverbiiis Salomoneis, sermonibus Christi, & scriptis Paulinis frequenter leguntur. In ipsa denique *compositione* orationis quid attendere debeamus, melius ex exemplis & usu quam præceptis discitur. Ita enim argumenta omnia & motiva tropis, schematibus cæterisque partibus ornatus innexa esse debent, ut illius *æquabilis* & *sibi constans* videatur. Si in eodem arguento jam humilis & depresso, jam sublimis & magnificus regnat dictandi modus; si nulla *harmonia* inter omnes

con-

conspicitur partes, si *copiosus* non fuerit stilos, ubi rerum ubertas vel gravitas copiam exposcat, an ornata dicetur oratio? Tantum tamen abest, ut tautologias ineptas, aut monologiam commendemus, ut potius copiam omnem ac varietatem stili ex rerum natura, affectuum vi & ingenii felicitate oriundam putemus. Ut ergo omnia complectamur verbo, universus stilos tum demum ornatus audit, cum *figuratus*, *efficax* (patheticus), *sublimis*, *copiosus* & tibi constans, atque *harmonicus* sit.

§. 4. Quod reliquum est, nisi *aptus* fuerit stilos oratorius, frustra cæteras illius laudes in auditorum usum commendabis. Unumquodque vero genus materiæ dicendæ, diversam postulat elocutionem. Historicæ narrationes ac expositiones in universum quidem simplicem appetunt stylum nullisque coloribus interstinatum, sed ubi illustria fata Religionis ejusque statoris, Christi, sunt enarranda, festivior sublimiorque incedat oratio necesse est. Dogmaticæ veritates argumentis potius quam figuris, morales autem ac patheticæ figuris, exemplis, imaginibus sunt enunciandæ; Immo in utroque genere delectus rerum ac verborum regnabit, perinde ac omnibus æstheticis in artibus expositio apta esse debet. Altera ratio aptitudinem suadens, est diversus auditorum habitus. Concinnas quippe & exactiori arte elab.

elaboratas sententias, formas, imaginesque plebs raro percipit, neque vim earum assequitur. Contra vero nimiam simplicitatem & popularitatem cultioris fortis homines non ubique ferunt, quin delasfatos semet inde sentiunt. Quoties igitur orationes coram illustriori auditorio habentur, stili quoque ornatiorem induat oportet formam. Raro tamen aut nunquam evenit, ut omnes auditores elevati adeo sint ingenii judiciique, ut solummodo ad eos respicere debeat concionator, nullam rudioris agens curam plebis. Mixtis auditoribus, mixtus & quidem apte compositus stili est adhibendus; Id vero omne non regulis sed usu discitur.

§. 5. Ex ipso verborum detinu & compositione orationis enascitur harmonia, quam *numerum oratorium* appellant. Quum enim multa vocabula ad sonum rerum sint formata; & ad exprimendum quemcunque affectum fere sua pertineant verba, ut usus docet familiaris, sollicite ergo caveatur, ne ineptis verbis affectuum laedatur vis. Praeter hanc vero *harmoniam* verborum, multum quoque ad numerum oratorium confert *periodorum* justa ratio, in quibus & nexus idearum continuus & membrorum omnium verborumque se invicem excipientium ordo & velut circuitus conspicitur. "Felicissimus enim, ait QUINTILIANUS, sermo est, cui & rectus ordo

do & apta junctura & cum his numerus opportune cadens contingit."

CAP. XIII.

De Pronuntiatione.

§. 1. U certum est, nullam ideam vivide aliis sine interveniente sermone, aut vocis usu, communicari posse, hominesque in quotidiana vita sermocinandi omnem artem & ad necessitates suas mutuas sublevandas & gravitatem quandam externam componere, ita etiam operam dabit Orator, ut externos suorum auditorum sensus voce sua & declamatione afficiat; nulla enim veritas animum persuadere potest, nisi auribus bene excepta fuerit. Proinde magnam hanc declamandi peritiam salutarunt veteres, exquisitissimo & ad naturam accommodato modo præcipientes, quid in hoc genere Oratori obserendum esset. Quorum præcepta, in multis licet ad concionandi methodum, utpote simpliciorem, non semper attemperanda, plerisque tamen in casibus proficia nostratis judicentur oportet.

§. 2. Generalia primum vocis requisita, duplice de ratione sunt consideranda. 1) In ipsa *Qualitate vocis*. Docet vero ipsa natura, vocem, qua pronuntianda sit concio sacra,

de-

debere *claram*, distinctam, puram, adeoque non balbutientem, raucam hæsitantemque esse: sed si vitium hoc naturale fuerit, emendandam; dein *flexibilem*, "quam intendere, submittere, variare pro rerum & verborum varietate facile valeamus" — *Savem*, ne aures auditorum asperitate vocis offendamus; — *Naturalem*, *æquabilem* & *constantem*, ne spiritum retrahendo interrumpamus res ipsas. 2) In *Quantitate* vocis evitanda est nimia exilitas. *Grandis* & *alta* sit pro multitudine auditorum, *citator* aut *moderator*, prout affectus requirit. Nimia tamen tarditas sive celeritas in omnibus sermonibus sive publice sive privatim pronunciandis tedium movet; Sic quoque nimis elata vox aures fere conturbat. Qui enim vocem suam ad decentiam & auditorum habitum non rite modulari sciunt, neque curant quid quis loco ad sensa animi exprimenda aptum sit, pesime rem agunt. Quantitas ergo vocis non semper eadem, i. e. monotonica, nec dura, rustica, intonans esse debet, sed *varia* pro rerum argumento attemperata. Historicus quippe stilus & dogmaticus leniorrem requirit vocem, patheticus fortiorem, paracleticus submissam. In precibus qui extollit vocem, parum modeste agit. Cæterum in omni declamatione observent concionatores, rem sacram penitus a nimia illa exacti.

tudine abhorrere, quam profani oratores tam studiose sectabantur.

§. 3. In usu & conformatione omnium partium orationis Sacræ hæc teneat Orator facer, ut postquam submissori voce initium fecerit a precibus, ad Deum directis, Exordium aliquanto altiori & distincto modo proferat, habita ratione auditorum, qui ad attentionem excitandi sunt; Neque fortior & elatior sonus adhibebitur, nisi festiva & magnifica sit res, a qua incipiat. Textus ipse facer tardiori voce prælegendus, quia reverentia Divino verbo debita læderetur, si citato quodam cursu properaret Orator. Propositio itidem tardiorem amat declamationem, ut memoriae suæ melius infigere eandem possint auditores. Nec male agitur, si interdum Propositio repetatur. Hinc vero cum ad demonstrationem proceditur, æquabilem servet modum Orator, distinctius tamen argumenta quævis propositurus; etenim qui placida mente veritates maxime salutares meditari & scrutari cupiunt auditores, remoram haud exiguum sibi objectam invenient, si citatim easdem pronuntiaverit Orator. Ubi elencho quodam arguendi sunt errantes, varius inducatur objectionibus & responsionibus tonus, ut has ab illis rite discernere valeant omnes. Pathetico autem in genere, si ve ad fletendum sive castigandum adaptando, elatior jam increscat pronuntiandi ratio,

mi-

minacia minacibus, tristia tristibus, fortia fortioribus exprimere gestiens verbis. — Hinc quoque vulgatissimum esse in concionibus reperimus, ut usus & applicatio, quasi ultima orationis pars, in primis gravi & pathetico declametur tono. Atque prout quisque bene institutus, ac nobili animatus affectu fuerit, variam modulandæ vocis artem, ex propria observatione ac praxi plus quam ex regulis ediscet.

§. 4. Nonnullas tandem addamus cautiones: 1) Ne naturalem ac sibi familiarem tonum deferant concionatores, temere alios imitaturi. Exquisitum enim imitandi studium raro placet aut placere potest in suggestu sacro, quanquam in histrionibus optima sit laus. 2) Ne incident in monotoniam, sed nec omnem flexibilitatem vocis a scenicis mutuentur, quod e diametro contrariatur dignitati orationum sacrarum. 3) Ubi vitia quædam naturalia perspecta fuerint, sollicita emendentur exercitatione. 4) Antequam ad publicam declamationem quis accedat, privata saepius ponat tirocinia in perlegendis ac pronuntiandis optimorum Oratorum exemplis. Juvabit quoque sincerissima amicorum expectare judicia, ne sibi ipsi indulgere aut assentari perperam ad velcat novus Orator. Trahit enim sua quinque voluptas.

§. 5. De recitandis ex memoria concionibus & arte quadam Mnemonica necessario
ex-

excolenda, ut aliquid moneamus, clarum esse arbitramur, plus ad commovendum valere conciones memoriter pronuntiatas, quam quæ ad scriptas enarrantur litteras; siquidem liberior vix poterit exoriri ac promoveri affectuum exprimendorum potetas, quam si declamatio peragatur ad memoriam. Quem morem constanti usu servarunt Antiqui Ora-
tores, bene animadvertisentes, nullam vim ad persuadendum habere orationes, nisi libe-
rito spiritu & ad auditores accommodate flue-
rent quasi ac permanarent. Hinc quoque ad-
minicula quædam mnemonica sollicite exco-
gitarunt memoriae adjuvandæ causæ, in qui-
bus associationem idearum fundamenti loco
positam esse liquet. Quamquam vero non
eadem sit nostrarum concionum ratio, ac anti-
quarum, utpote longiorum multasque per
horas pronuntiandarum; magni tamen refert,
etiam in brevioribus illis sanum istiusmodi
servare morem, a quo recedere non nisi ex-
trema urgente durioris naturæ necessitate li-
cebit. Adfvescant ergo sacri prœcones jam
inde a primis concionandi initiis, memoriam
suam, non quidem serviliter, sed liberius
colere, exercere, acuere; Discant res quas-
vis morales & abstractas cum sensibilius
terum & locorum momentis associare; dis-
ponendi & ad justum ordinem argumenta sua
exigendi officio nunquam non assidue inhæ-
reant; elaboratas demum orationes suas fa-

pius

pius repetendo, meditando, alta voce recitando percurrent, ut ab ipsa phantasia sensuumque audiendi & intuendi consociata manu fortiora arripiant reminiscendi instrumenta; nec ulti parcant in hoc genere labori & exercitationi. Cæterum dignus qui perlegatur locus de memoria, in Quintilianī *Instit. Orat.* Lib. XI cap. 2.

CAP. XIV.

De Actione Oratoria.

§. 1. Quam necessaria sit membrorum & gestuum corporis apta ad animi sensum exprimentium conformatio satis superque inde patet, quod ex communi hominum experientia animus non modo arctissime sit cum corpore connexus, verum etiam sensus suos & affectus vehementiores externis signis semper prodere soleat. Neque tantum affectus omnes quendam motum & gestum corporis secum ferunt, sed habet quoque tranquillus animi status in ipsa rei demonstratione & argumentorum elocutione id sibi privum, ut corporis forma inde quodammodo temperetur. Sub meditatione quidem abstrahere semet videtur animus ab influxu corporis, cum vero ea quae meditati sumus, aliis communicare volumus, ac vivide ante oculos sistere, non amplius

plius manent corporis membra immota, sed una cum voce exferunt sese in actu. Si enim absque sono articulato sermonis interdum, ope signorum externorum, sensa sua vivide quasi depingere possint ac soleant mimici, tanto major erit vis signorum voci addita. Nullum ergo est dubium, quin Ora- tor Sacer quivis de actione debeat esse sollicitus, ne vultu ejus aut cæteris gestibus, male compositis, lædatur & infringatur orationis consilium.

§. 2. In omni vero actione tria potissimum obseruentur momenta, quod scilicet *emendata* s. elegans, *ornata*, atque *apta* sit. *Elegantia* & *decentia* actionis in eo consistit, ut naturales, simplices, perspicuos & dignos induamus gestus, quales homines in honestiori convictu exferere solent; adeoque vitandum, ne caput nimis rigidum aut crebra commotione concussum, oculos compres- sos sive nictantes, os tumidum sive rictu deformatum, vultum tristem & asperum, manus huc illuc vibratas aut plane immobiles, nec demum totum corpus vacillans, immotum sive inclinans ad alterutram partem sistamus conspicienda. Hæc enim & alia virtus, seniori omni contraria gustui, non posunt non attentionem auditorum ac benignam intervertere opinionem. Ubi vero modestia & cæteræ virtutes in vultu, ore ac gestibus eluent, promtos femet præbebunt qui audiunt, immo reverentiae quodam sensu affectos.

Ornatus sive patheticus gestuum habi-
tus quoque consideretur oportet. Etenim
quamquam minime commendemus hilirioni-
cam actionem & gesticulationem, quippe quæ
a religionis materie & dignitate quam lon-
gisime abhorreat, atque ad risum movendum
accommodata sit, non omnem tamen corpo-
ris positionem aut gestuum motum indifferen-
tem & affectibus animi exprimendis æque
idoneum esse, evidenter patet. Naturæ sci-
licet humanæ reclamaret, qui verba & ge-
stus animi sensibus exæquari non postularet
ab Oratore *Sacro*, sed susque deque habe-
ret, quomodo orationes publice proferan-
tur. Habent vero affectus omnes & mores
Oratoris propriam sibi actionem, quasi per
naturæ leges præscriptam, cui renuntiare
non convenit. In admiratione & stupore
manus sursum tollere, in metu quovis &
tristitiae sensu pallefcere, sub lætitia hilarem
induere vultum, præ modellia & verecun-
dia oculos demittere, & quæ reliqua semet
exferere solent signa, familiarissima homini-
bus sunt & fere connata. Hæc igitur signa
tum animadveritat tum imitetur orator *Sa-
cer*, qui flectere alios voluerit, nisi machinæ
instar, immobilem se fistere præoptaverit.

Apta demum sit actio univerfa, h. e.
pro dicentis ipsius, auditorum, loci ac tempo-
ris, materiæ dicendæ & affectuum ratione
definita. Senes non eadem ornat vivacitas
gestuum, quæ juvenes, nec juvenum est,
gra-

gravitatem senum imitari; rudiorem plebem non afficit mitior illa comitas in perstringendis vitiis, quam politiores homines jure quodam exspectant, sed severior adsit, nec tamen immoderata, gestuum conformatio. Cæterum experientiam, optimam magistrum sequantur concionatores. Breviter ergo monehimus: 1) Ut abstineant semet oratores a nimia politiorum hominum consuetudine & affectatione. Quod enim in vulgari confortione tolerari & laudari nonnunquam solet, in fugelitu sacro nauseam movebit. 2) Ne praeter naturæ suæ habitum alios imitentur, peregrinos gestus sibi adsciendo; Naturam si expellas furca, tamen usque recurrit. 3) Ubi vero existantiora fuerint naturæ vitia, nulla arte corrigenda, melius erit, ab Oratoris provincia defistere, quam populo velut spectaculo semet exhibere.

Perorationem tandem, ultimam hanc orationis partem, in usu & applicatione sitam, non penitus hoc loco præteriisse convenit. Quemadmodum vero origo ejus f. causam non quidem ab extrema quadam concludendæ orationis necessitate, sed a decentia potius atque auditorum statu vario repetenda est, ita eam secum feret hæc ipsa ratio utilitatem, ut five uno quasi obtutu totam orationis summam nexumque, brevi sub enarratione, perspicere, five ad affectus commoveri possint auditores. Quod utrumque genus,

επανεργαιωσις, repetitio rerum & το παθητικον, eatenus quoque perutile est, ne abrupta nimis videatur orationis pertextæ tela. De concionibus ergo Sacris, rite concludendis', hæc breviter monuisse juvabit:

1) Commendatio omnis propria lausque, in quam profani Oratores haud raro descendere solent, nullo modo locum, nisi fortassis in Valedictoriis Funebrisbusque obtinet orationibus;

2) Prout materia dicendi fuerit historica, didactica, pathetica, varia quoque suboritur perorandi ratio. In *analytica* & *bislorica* concione nulla ferme rerum repetitione, sed practica applicatione opus est;

Didaetica vero & *synthetica* concio propter ubertatem rerum & argumentorum, tum brevem harum partium requirit enumerationem, tum quoque practicam admonitionem;

Patheticum autem genus, utpote totum affectibus commovendis consecratum, uberiori non eget studio, nisi quod gravissima in fine orationis resumī possint incitamenta.

3) Vulgatis simum morem applicandi orationem pro diverso auditorum statu, sive sinceri & probi fuerint, sive impenitentes & impii, tanto magis (cum delectu tamen) retinendum putamus, quanto certius religionis consilium sit, emendare.

4) Sufficit saepius colophonis loco apponere gravem quandam S.S. sententiam, hymnum aut vota, in quibus auditorum emoti animi haud sine summa tranquillitate sublisterem posseunt.
